

Ўвлд сәәнәр белдв

Элст балгъсна „Победа“ колхозин 36 отар хӧн эн джил Хар газрт ўвлзджәнә. Ўвлин аюлас тўрў-зовлнъг угагъар гархин эркд Хар газрт бәәх участкадан „Победа“ колхоз урдаснъ сән белдвр кев.

Зунин дуусн цуг кошармудан болн хӧбчнр бәәх гермўдиг ясцхав. Хӧн болгънд 2,6 центнер ӧвс белдцхәв. Худгудан арчдж цеврлцхәв. Ӗдгә цагт концентрат белдджәнә.

Ода „Победа“ колхозин хӧбчнр ўвлзх газрун ирчксн сән

дулан хашаста, у-сарул герт бәәцхәнә.

—Эн ўвл цуг кўтц кевәр ўвлзджәнәв. Нидн джил ноос киргъдж авлгънму болсн уга. Хӧ ӧсклгънә болн ноосна гарциг цааранднъ икдўлхин тӧлә зўткдж, долан джилә зура кўцәдж, 100 хӧбнәс 130 хургъ, хӧн болгънас 7,2 килограмм ноос авнав гидж, социалистическ даалгъвр шидрхн болсн хургт эн колхозин ах хӧбч ўр А. Е. Лобадина авб.

Э. БОЛЕНОВ.